



EUROPEAN FORUM ALPBACH

# INITIATIVE GROUP ALPBACH SARAJEVO



"European Forum Alpbach: The European village where global players come to feel at home."

Viviane Reding (2010)

# EUROPEAN FORUM ALPBACH

## POJAM I NASTANAK

*European Forum Alpbach* (Evropski Forum Alpbach - EFA) je jedna od najuglednijih evropskih interdisciplinarnih konferencija koja se svake godine organizuje u selu Alpbach (Austrija). Forum okuplja Nobelovce, profesore, eksperte, političare, kao i mlade ljude iz velikog broja zemalja.

Alpbach se neformalno zove *selo mislilaca*. Sve je počelo davne 1945. godine kada su student *Otto Molden* i profesor filozofije *Simon Moser* izabrali Alpbach za održavanje prve konferencije, pod nazivom *Internationale Hochschulwochen*. Željelo se, daleko od političkih kancelarija i univerzitetskih sala, s mladim ljudima razgovarati

o ciljevima zajedničke borbe protiv nacional-socijalizma i izgradnji politički jedinstvene Evrope. Dobra iskustva s prvog skupa dovela su do dugogodišnje saradnje, ne samo u politici i ekonomiji, nego i u naučnoj i kulturnoj sferi, da bi se 1949. okupljanje nazvalo Evropski forum Alpbach (*njem. Europäisches Forum Alpbach*).

Posljednjih desetak godina, zahvaljujući programu stipendiranja, Forumu se pridružuju studenti iz 60 zemalja svijeta!

Od osnivanja, više od 3.000 ljudi iz više od 50 zemalja su učestvovali na EFA!



"Each year, the Alpbach Forum, as old as the United Nations, provides a welcome opportunity for peaceful discussion of the major topics of the day."

UN Secretary General Ban Ki-moon  
(2009)

# EUROPEAN FORUM ALPBACH

## NAČIN ORGANIZOVANJA

Kada su u pitanju program i učesnici Evropski forum Alpbach organizovan je na visokom nivou.

Formalna struktura EFA obuhvata tri velike cjeline:

- *Seminar Week* (sedmicu intenzivnih kurseva/seminara sa najaktuelnijim temama)
- *Ljetna škola*
- *Simpozije iz raznih oblasti*

Tema Foruma 2011 je bila Pravda – odgovornost za budućnost (*engl. Justice – Responsibility for the Future*).

*Seminar Week* obuhvata teme iz medicine, politike, ekonomije i umjetnosti. Nakon završetka seminara učesnici dobivaju certifikate o pohađanju. Neke od tema seminara ovogodišnjeg Foruma su bile: Rizici i prilike za razvoj nano tehnologije (*engl. The Risks and Opportunities of Nanotechnology*), Ljudska staništa i njihova ekološka svijest (*engl. Human Habitats and Their Ecological Footprint*), Preispitivanje ekonomske teorije: Povratak velikih (*engl. Rethinking Economic Theory: A Return of the Masters?*), Pravo i pravda poslije ratova (*engl. Law and Justice After Wars*) i mnoge druge.

*Ljetne škole* su intenzivni specijalizirani programi za koje se pored certifikata dobijaju i ECTS bodovi. Posebno zanimljiva je Ljetna škola evropskih integracija (*engl. Summer School on European Integration*) koja se organizuje na engleskom i njemačkom jeziku.

*Simpoziji* svake godine privuku veliku pažnju. Održavaju se u velikim kongresnim salama Centra uz veliki broj uglednih ličnosti, stručnjaka i predstavnika kompanija, država, te evropskih državnih organa. Simpoziji su u velikom mjeri medijski popraćeni, jer se razgovara o vrlo ozbiljnim ekonomskim, političkim i naučnim temama, aktuelnim u Evropi i svijetu. Neke od tema koje su obilježile ovogodišnje simpozije su: Tehnologija kao mogućnost – odgovornost za budućnost (*engl. Technology as an Opportunity – Responsibility for the Future*), Globalna jednakost i međunarodna pravda (*engl. Global Equity and International Justice*), Koliko regulacije tržišta trebaju? (*engl. How Much Regulation Do Markets Need?*), Države, banke, tržišta (*engl. States, Banks, Markets*) i druge.



# EUROPEAN FORUM ALPBACH

## NAČIN ORGANIZOVANJA

Program EFA prati bogat umjetnički i kulturni program. Mladim umjetnicima pruža se mogućnost da prezentuju svoja djela na Forumu. Dodatno, tradiciju EFA čine i *Fireside chats* gdje se u intimnijem okruženju vode razgovori i diskusije s prestižnim gostima Foruma, koje se organizuju od strane inicijativnih grupa.

Učestvovanje mladih ljudi omogućeno je kroz program stipendiranja, koji se finansira od fondacija, kompanija i javnih sredstava. Uspjeh ove inicijative pokazuje i brojka od preko 500 stipendista koji svake godine posjete Forum. Značajne su Alpbach inicijativne grupe i klubovi, koje čine učesnici EFA i koje su prisutne u većini evropskih zemalja.

Koliki ugled Forum uživa u međunarodnim krugovima govori u prilog da su neki od gostiju, govornika i predavača Foruma 2011. bili:

- Joaquin ALMUNIA (Evropski funkcioner za konkurenciju i Potpredsjednik Evropske komisije, Brisel)
- Thomas WIESER (Predsjedavajući Ekonomskog i finansijskog komiteta Evropske Unije)
- Mario MONTI (Sadašnji predsjednik italijanske vlade)
- Thomas HUERTAS (direktor, Financial Service Authority, London)
- Ewald NOWOTNY (Guverner Centralne banke Austrije, Beč)
- Willibald CERNKO (CEO UniCredit Bank Austria, Beč)
- Walter ROTHENSTEINER (Predsjedavajući upravnog odbora Raiffeisen Zentralbank Austrija)
- Peter BOSEK (Član upravnog odbora Erste Bank, Beč)
- Mary ROBINSON (bivša predsjednica Republike Irske, borac za ljudska prava)
- Václav KLAUS (predsjednik Republike Češke)
- Nuruddin FARAH (istaknuti somalijski pisac)
- Valentin INZKO (Visoki predstavnik za Bosnu i Hercegovinu)
- te brojni drugi direktori, predsjednici, ugledni stručnjaci iz cijele Evropske Unije i šire.

Kao gost na simpoziju „*Budućnost Eurozone*“ bio je viceguverner Hrvatske narodne banke gospodin Boris VUJČIĆ.

Oni koji odu u Alpbach imaju priliku upoznati jako zanimljive i uticajne ljude, ali i svoje vršnjake iz drugih dijelova svijeta.

Tema narednog Foruma je **Očekivanja - budućnost mladih** (engl. *Expectations - The Future of the Young*).




Margareta Klinčić (Hrvatska),  
Džana Kujan (BiH), Ahra Cho  
(Južna Koreja)



Planinsko selo Alpbach  
smješteno je u sunčanoj dolini,  
na 1.000 metara nadmorske  
visine.

copyright © Nermin Čaluk



# EUROPEAN FORUM ALPBACH

## ISKUSTVA STIPENDISTA

Pored divnog iskustva, intelektualnog izazova i prelijepa prirode, najimpresivniji dojam mi je ostavilo more novih poznanstava, jednostavan i ambijent otvoren za diskusiju, razgovor i druženje. Alpbach sam posjetio pred sam kraj studija i upravo tu sam uspio naći informacije i formirao stavove te zaokružio cjelinu i upotpunio svoj diplomski rad.

*Nermin Daul, IGAS potpredsjednik*

Učestovati u jednom od najprestižnijih i najposjećenijih evropskih skupova kao što je Forum Alpbach za mene je bilo veoma značajno iskustvo i izvandredna prilika da prisustvujem zanimljivim predavanjima vodećih eksperta. Idilično selo Alpbach u srcu Alpi upotpunilo je cjelokupno iskustvo.

*Džana Kujan, IGAS stipendista 2011*

Razgovor, a ne govor, čini suštinu Alpbacha, a ja se osjećam bogatijim za ovo iskustvo, jer sam osjetio koliko su sve oblasti o kojima se govorilo u Austriji usko tiču i nas. Izdigli smo se i zblížili s regionom, bili konstruktivan faktor i upoznali se i zblížili s divnim ljudima!

*Kemal Koštrebić, EFA stipendist 2011*

Članovi IGAS-a i bh. studenti su, uz tradicionalnu bosanku kafu i slatkiše, upoznali posjetioce o najznačajnijim kulturno-historijskim spomenicima, sevdalinci, nacionalnim jelima i ljepoti bosansko-hercegovačkih planina i rijeka. Očito im se svidjela naša kafa toliko svidjela, da su čak pitali da li će biti posluživana u pauzama naših seminara! Naročito im je bilo interesantno piti kafu iz fildžana. Stranci nas, uglavnom vide ili vrlo romantično ili vrlo loše.

*Jasmina Bračković, EFA stipendist 2009*

S više od 160 km planinskih staza,  
Alpbachtal dolina je raj za šetače,  
planinare i bicikliste. Zimi ovo je top  
destinacija za skijaše iz cijelog svijeta.



Rauf Butt (Pakistan), Hamit  
Bayram (Turska), Kemal  
Koštrebić (BiH)



# INITIATIVE GROUP ALPBACH SARAJEVO

## OSNIVANJE I CILJEVI

Nakon osnivanja inicijativnih grupa u više zemalja s ciljem pomoći mladima da dobiju stipendiju Evropskog foruma Alpbach, grupa bh studenata odlučuje 2007. godine osnovati neprofitno udruženje *Inicijativnu grupu Alpbach Sarajevo – IGAS*.

**IGAS je zvanični partner European Forum Alpbach za Bosnu i Hercegovinu.**

Osnovni ciljevi Udruženja su:

- pružanje neposredne i posredne pomoći studentima i mladim ljudima
- razvijanje svijesti o značaju cjeloživotnog obrazovanja kod mladih ljudi
- promoviranje mira i stabilnosti kroz naučnu saradnju, diskusije, konferencije i seminare
- saradnja s *European Forum Alpbach* s ciljem promovisanja programa stipendiranja u BiH
- saradnja s univerzitetima u BiH i rad na aktivnostima koje su vezane za *European Forum Alpbach*

Udruženje od svog osnivanja je ostvarilo i postiglo mnogo toga. Okupili smo mlade ljude iz Bosne i Hercegovine s različitim profesijama i s različitih fakulteta (elektrotehničkog, medicinskog, ekonomskog, pravnog i sl.).

Ukupan broj studenata iz BiH koji su posjetili Forum Alpbach od kada je formiran IG Alpbach Sarajevo je 90. Do osnivanja, godišnje je na Forum odlazilo svega nekoliko studenata godišnje, dok je samo ove godine Alpbach posjetio 21 stipendist iz BiH!

Svoj trag u Alpbachu ostavili smo organizujući brojne događaje u sklopu naučnog, obrazovnog i kulturnog programa Foruma (izložbe, koncerti, *fireside chats*). 2009. godine kao dio kulturnog programa doveli smo Dubiozu Kolektiv. Kao gost jednog od *Fireside chats* kojeg smo organizovali 2009. godine je bio tadašnji Visoki predstavnik za BiH gospodin Miroslav Lajčak, a 2010. sadašnji Visoki predstavnik Valentin Inzko.

IGAS se može pohvaliti tim da je organizovao drugu konferenciju *EFA Associates 2008 u Sarajevu* gdje je ugostio goste iz inicijativnih grupa brojnih zemalja kao i ugledne ličnosti iz Bosne i Hercegovine. Među učesnicima su bili Nj. E. Werner Almhofer, Dr Erhard Busek, Dr Lamija Tanović, Mr Nenad Šebeki dr.



*The European Forum Alpbach has great international reputation as a reference and meeting-point on European political, economic, and financial topics.*

*Benita Ferrero Waldner (2010)*

# INITIATIVE GROUP ALPBACH SARAJEVO

## AKTIVNOSTI

Ova godina je bila posebno značajna jer smo u saradnji s udruženjem Urban iz Sarajeva organizovali za vrijeme trajanja Foruma izložbu najboljih fotografija u BiH za 2010. godinu, koja je odlično prihvaćena i koja je od ove godine zvanično uvrštena u kulturni program Alpbach Foruma!

U sklopu izložbe predstavljena je i monografija "Sarajevo - Moj grad, mjesto susreta". Izložbu je otvorio predsjednik Foruma dr Erhard Busek.

Prvi put ove godine u historiji EFA inicijativna grupa učestvuje u kreiranju sadržaja *Seminar Week*. Po prijedlogu članova IGAS-a tema „*Human Habitats and Their Ecological Footprint*“ uvrštena je u jedan od 14 seminara Foruma!

IGAS planira u godinama koje dolaze, osim mladih ljudi iz BiH, u Alpbach dovesti profesore i stručnjake iz naše zemlje, kao goste predavače.

Osim na promovisanju Foruma i omogućavanja odlaska naših mladih ljudi na Forum od ove godine IGAS radi na projektima u Bosni i Hercegovini.

Projekat "*Beyond Forum Alpbach: Sarajevo World Café*" okupit će profesore Univerziteta u BiH, domaće i strane eksperte i političare, koji će zajedno sa studentima u okviru tematskih sesija diskutovati o aktuelnim pitanjima iz raznih sfera nauke, tehnologije i kulture, te o drugim pitanjima od značaja za Bosnu i Hercegovinu.

Još jedna aktivnost kojom želimo dati svoj doprinos razvoju bosansko-hercegovačke zajednice jeste projekat pod nazivom *Youth Voice Essay Competition 2012*. Naša ideja jeste da studentima u BiH pružimo priliku da javno iznesu svoja razmišljanja učešćem na natjecanju u pisanju eseja na godišnju temu Evropskog Foruma Alpbach.



IGAS će i dalje nastaviti potpomagati mlade ljude nesebičnim i volonterskim radom svojih članova. Nastojat će omogućiti što većem broju studenata posjetu Evropskom forumu Alpbach s ciljem što boljeg promovisanja naših mladih ljudi i naše države u Evropi. Naši osnovni postulati su *to educate and connect* (*edukacija i povezivanje*) i to je upravo ono što želimo postići za naše studente aktivnijim radom na predstavljanju Foruma u Bosni i Hercegovini.

**Pozivamo sve mlade ljude da nam se pridruže naredne godine u Alpbach-u i prijave za stipendije!**

**Pozivamo sve potencijalne sponzore da mladim ljudima pruže mogućnost odlaska na Forum!**

Uz najbolje želje,

IGAS Team



Ante Babića 9  
71 000 Sarajevo  
BiH



tel 062 838 189  
fax 033 205 947

[www.igas.ba](http://www.igas.ba)  
[info@igas.ba](mailto:info@igas.ba)



IGAS - Inicijativna Grupa Alpbach u Sarajevu / GRUPA